

დმანისის მუნიციპალიტეტის საკრებულოს სხდომის

ოქმი № 4

ქ. დმანისი

25 აპრილი 2024 წელი

სხდომის თავმჯდომარე დმანისის მუნიციპალიტეტის საკრებულოს
თავმჯდომარე **პაატა ყულიაშვილი**

სხდომას ესწრებოდა:

1. პაატა ყულიაშვილი
2. რამიზ რამაზანოვი
3. აზერ ალიევი
4. ილია სარსევანიძე
5. გამლეთ ისმაილოვი
6. სოფიო ასლამაზაშვილი
7. ლერი ბერუაშვილი
8. შალვა დამბარაშვილი
9. მაკა ასლანიშვილი
10. მაკა ოკმელაშვილი
11. მურაზი აბრამიშვილი
12. შოთა აკობაშვილი
13. შახინ კოიალოვი
14. სტამბულ ისაევი
15. ემილ იბრაგიმოვი
16. ნატიგ ოვჩიევი
17. გუსეინ ისმაილოვი
18. თეიმურაზ აფრასიძე
19. შაჰინ გასანოვი
20. მერაბი ფოლადაშვილი

სხდომას აგრეთვე ესწრებოდა : მერიის საფინანსო-საბიუჯეტო სამსახურის უფროსი თემურ ტატულაშვილი, მერიის ადმინისტრაციული სამსახურის უფროსი მალხაზ გვიჩიანი, მერიის ჯამრთელობისა და სოციალური დაცვის სამსახურის უფროსი მეგი ედიბერიძე, მერიის ეკონომიკის სამსახურის პირველადი სტრუქტურული ერთეულის ხელმძღვანელი ნატო სამადაშვილი, მერიის ინფრასტრუქტურისა და ეკონომიკური განვითარების სამსახურის უფროსი ლევან მანთაშაშვილი, მერიის სივრცით - მოწყობისა და ინფრასტრუქტურის სამსახურის უფროსი სპეციალისტი მათე ასლანიშვილი, საკრებულოს აპარატის უფროსი თინათინ ციხელაშვილი.

სხდომის მდივანი: ლომა გადრანი

სხდომა დაიწყო: 12. 00

სხდომა დასრულდა: 12. 30

სხდომის თავმჯდომარემ პაატა ყულიაშვილმა საკრებულოს წევრებს წარუდგინა სხდომის დღის წესრიგი, რომელსაც ერთხმად დაუჭირეს მხარი და მიმართა მომხსენებლებს გაეცნოთ საკითხები

დღის წესრიგი:

| | | | |
|---|-------------------------------------------------------------------------------------------------------------------------------------------------------------------------------------------------------------------------------------------------------|----------------------|-------------------------|
| 1 | დადგენილება: „დმანისის მუნიციპალიტეტის 2024 წლის ბიუჯეტის დამტკიცების შესახებ“ დმანისის მუნიციპალიტეტის საკრებულოს 2023 წლის 28 ნოემბრის N29 დადგენილებაში ცვლილების შეტანის თაობაზე | მომხსენებელი: | თ.ტატულაშვილი |
| 2 | განკარგულება: დმანისის მუნიციპალიტეტის 2023 წლის ბიუჯეტის შესრულების წლიური ანგარიშის დამტკიცების შესახებ | მომხსენებელი: | თ.ტატულაშვილი |
| 3 | დადგენილება: „დმანისის მუნიციპალიტეტის მერიის დებულების დამტკიცების შესახებ“ დმანისის მუნიციპალიტეტის საკრებულოს 2017 წლის 24 ნოემბრის N35 დადგენილებაში ცვლილების შეტანის თაობაზე | მომხსენებელი: | მ. გვიჩაიანი |
| 4 | განკარგულება: დმანისის მუნიციპალიტეტის მერისათვის თანხმობის მიცემის შესახებ გრანტის მიღებასთან დაკავშირებით | მომხსენებელი: | მათე ასლანიშვილი |
| 5 | განკარგულება: „დმანისის მუნიციპალიტეტის მერის მიერ ქონების (ფართი) უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ“ | მომხსენებელი: | ნ.სამადაშვილი |
| 6 | განკარგულება: „დმანისის მუნიციპალიტეტის 2024 წლის სოციალური ქვეპროგრამების დამტკიცების და განხორციელების წესების შესახებ“ დმანისის მუნიციპალიტეტის საკრებულოს 2023 წლის 28 ნოემბრის Nგ-109.109233321 განკარგულებაში ცვლილების შეტანის შესახებ | მომხსენებელი: | მ.ედიბერიძე |
| 7 | განკარგულება: „დმანისის მუნიციპალიტეტში 2024 წელს ადგილობრივი ბიუჯეტიდან დასაფინანსებელი პროექტების ნუსხის მოწონების თაობაზე“დმანისის მუნიციპალიტეტის საკრებულოს 2024 წლის 25 იანვრის Nგ-109.10924053 განკარგულებაში ცვლილების შეტანის თაობაზე | მომხსენებელი: | ლ.მანთაშაშვილი |

1.მომხსენებელი : თემურ ტატულაშვილიმა საკრებულოს წევრებს წარუდგინა დადგენილების პროექტი „დმანისის მუნიციპალიტეტის 2024 წლის ბიუჯეტის დამტკიცების შესახებ“ დმანისის მუნიციპალიტეტის საკრებულოს 2023 წლის 28 ნოემბრის N29 დადგენილებაში ცვლილების შეტანის თაობაზე

საქართველოს მთავრობის 2024 წლის 19 აპრილის #550 „მაღალმთიანი დასახლებების განვითარების ფონდიდან მუნიციპალიტეტებისათვის თანხის გამოყოფის შესახებ“ განკარგულების შესაბამისად დმანისის მუნიციპალიტეტს გამოეყო 215,5 ათასი ლარი. აღნიშნული თანხა, ასახული იქნას ორგანიზაციული კოდი 02_05_01 “საზოგადოებრივი სივრცეების მოწყობა - რეაბილიტაცია“-ს „არაფინანსური აქტივების ზრდა“-ს მუხლში და აღნიშნული მუხლი განისაზღვროს 215,5 ათასი ლარით (სხვა დონის ერთეულის ფონდიდან გამოყოფილი ტრანსფერი);

დმანისის მუნიციპალიტეტის მერიის სივრცითი მოწყობისა და ინფრასტრუქტურის სამსახურის ხელმძღვანელის ლევან მანთაშაშვილის 2024 წლის 22 აპრილის #03-1082411359 მოხსენებითი ბარათის შესაბამისად განხორციელდეს შემდეგი ცვლილებები:

ორგანიზაციული კოდი 02_02_02 „სასმელი წყლის სისტემის მშენებლობა რეაბილიტაცია“-ს „არაფინანსური აქტივების ზრდა“-ს მუხლი შემცირდეს 73,2 ათასი ლარით (საბიუჯეტო სახსრები ფონდების გარეშე);

ორგანიზაციული კოდი 02_04_01 „მუნიციპალიტეტის ბალანსზე რიცხული შენობების ექსპლუატაცია და რეაბილიტაცია“-ს „არაფინანსური აქტივების ზრდა“-ს მუხლი შემცირდეს 155,7 ათასი ლარით (საბიუჯეტო სახსრები ფონდების გარეშე);

აღნიშნული თანხები, ჯამში 229,0 ათასი ლარი, გადატანილ იქნას ორგანიზაციული კოდი 02_04_02 „ავარიული ობიექტების შენობების რეაბილიტაცია“-ს „სხვა ხარჯები“-ს მუხლში და აღნიშნული მუხლი განისაზღვროს 529,0 ათასი ლარით (საბიუჯეტო სახსრები ფონდების გარეშე);

ამრიგად, დმანისის მუნიციპალიტეტის 2024 წლის ბიუჯეტის შემოსულობების და გადასახდელების მოცულობა განისაზღვროს 31 168,1 ათასი ლარის ოდენობით.

აზრი გამოთქვას:

დაადგინეს: დამტკიცებული იქნას წარმოდგენილი დადგენილების პროექტი.

მომხრე: 20

წინაღმდეგი:

2. მომხსენებელი : თემურ ტატულაშვილი საკრებულოს წევრებს წარუდგინა განკარგულების პროექტი დმანისის მუნიციპალიტეტის 2023 წლის ბიუჯეტის შესრულების წლიური ანგარიშის დამტკიცების შესახებ

დმანისის მუნიციპალიტეტის 2023 წლის ბიუჯეტის შესრულების ანგარიში მომზადებულია მუნიციპალიტეტის მერიის სამსახურებიდან და მერიის მიერ დაფუძნებული ა(ა)იპ-ებიდან მოწოდებული ინფორმაციის და საქართველოს საბიუჯეტო კოდექსის გათვალისწინებით, რომელიც მოიცავს ბიუჯეტის ბალანსს საბიუჯეტო კლასიფიკაციის მიხედვით, შემოსულობების, გადასახდელების და ნაშთის ცვლილების ფაქტობრივი მოცულობების შედარებას შესაბამისი პერიოდის გეგმიურ მაჩვენებლებთან, ბიუჯეტის ანგარიშებზე არსებულ ნაშთებს წლის დასაწყისისა და დასასრულისათვის, პროგრამების დაზუსტებულ ასიგნებებსა და გადახდილ თანხებს შორის შეუსაბამობის განმარტებას (20%-ზე მეტის არსებობის შემთხვევაში). ასევე, ინფორმაციას დასახული პრიორიტეტების ფარგლებში პროგრამების/ქვეპროგრამების მიხედვით განხორციელებული ღონისძიებების აღწერის და მიღწეული შედეგების, არასამეწარმეო (არაკომერციული) იურიდიული პირების ბიუჯეტების შესრულების წლიური მაჩვენებლების, სარეზერვო და წინა წლებში წარმოქმნილი დავალიანებების დაფარვისა და სასამართლოს გადაწყვეტილების აღსრულების ფონდებიდან გამოყოფილი სახსრების შესახებ.

ბიუჯეტის შესრულების დაგეგმილ მაჩვენებელთან შესაბამისობის შეფასების მიზნით, გრძელდება პროგრამებისა და ქვეპროგრამების ფარგლებში მიღწეული შუალედური შედეგების შეფასების ინდიკატორების - საბაზისო, დაგეგმილი და მიღწეული მაჩვენებლების გათვალისწინება.

2023 წლის 1 იანვრისათვის ბიუჯეტის ანგარიშებზე არსებულმა ნაშთმა მთლიანობაში შეადგინა 6041070 ლარი, მათ შორის საკუთარი შემოსავლების ნაშთი 4609819 ლარი, ხოლო სახელმწიფო ბიუჯეტის ფონდებიდან მიღებული გრანტები 1 431 251 ლარი, საიდანაც ხარჯების დასაფარავად მიმართული იქნა 6022000 ლარი, მათ შორის საკუთარი სახსრებიდან 4 600 000 ლარი, ხოლო სახელმწიფო ბიუჯეტიდან მიღებული თანხები 1 422 000 ლარი.

მუნიციპალიტეტის 2023 წლის ბიუჯეტის შემოსულობების (შემოსავლები, არაფინანსური აქტივები, ფინანსური აქტივები, ვალდებულებების ზრდა) გეგმა განისაზღვრა 23966,2 ათასი ლარით, ფაქტიურმა შესრულებამ შეადგინა 24082,4 ათასი ლარი, ანუ გეგმის 100,5%. მუნიციპალიტეტის 2023 წლის ბიუჯეტით განსაზღვრული შემოსავლები დაგეგმილი იყო (გადასახადები, გრანტები, სხვა შემოსავლები) 23766,2 ათასი ლარი, ფაქტიურად 23956,1 ათასი ლარით შესრულდა, რამაც გეგმის 100,8% და მთლიანი შემოსულობების - 100,5% შეადგინა.

ქონების გადასახადიდან საანგარიშო პერიოდში მიღებულია 2013,8 ათასი ლარი, მათ შორის: საწარმოთა ქონების გადასახადიდან (გარდა მიწისა) მიღებულია 1375,2 ათასი ლარი, ფიზიკურ პირთა ქონებაზე გადასახადიდან (გარდა მიწისა) – 7,1 ათასი ლარი, ხოლო მიწის გადასახადიდან - 491,6 ათასი ლარი. წინა წლის ანალოგიურ მაჩვენებელთან (2022 წლის ფაქტი -559,7ათასი ლარი) შედარებით ქონების გადასახადი 68,1 ათასი ლარით ნაკლებია შემოსავალი მიღებული. დამატებული ღირებულების გადასახადიდან მიღებულია 12429,9 ათასი ლარი. წინა წლის ანალოგიურ მაჩვენებელთან (2022 წლის ფაქტი - 10053,9ათასი ლარი) შედარებით 2376,0ათასი ლარით მეტი შემოსავალია მიღებული .

II გრანტები საანგარიშო პერიოდში გრანტების სახით ბიუჯეტში ჩარიცხულია 6256,7 ათასი ლარი, მათ შორის: მიზნობრივი ტრანსფერი დელეგირებული უფლებამოსილების განსახორციელებლად – 953,0 ათასი ლარი, კაპიტალური დანიშნულების გრანტი 247,0 ათასი ლარი (იაპონიის საელჩოდან გამოყოფილი გრანტი- ნავის ნარჩენების გადაზიდვისათვის ერთი მანქანა),სპეციალური ტრანსფერი (კაპიტალური, სპეციალური ტრანსფერი) – 5056,7 ათასი ლარი (მუნიციპალიტეტის სოფლების უსეინქენდი,პირველი სალამაღეიქი,მეორე სალამაღეიქი და მამიშლარის მისასვლელი გზების რეაბილიტაციისთვის,სოფ. გომარეთის კულტურის ცენტრის მშენებლობისთვის, მუნიციპალიტეტში კოსტავას ქუჩის რეაბილიტაციისათვის,ქ.დმანისში ვაჟა ფშაველას ქუჩაზე მდებარე დარბაზის სახურავის რეაბილიტაციისთვის, ქ.დმანისში შიდა გზების რეაბილიტაცია და სანიღვრე არხების მოწყობა, სოფელ დაგარახლოს წყალმომარაგების სისტემების რეაბილიტაცია,სოფელ იფნარში ჭაბურღილისდა წყლის რეზერვუარის მშენებლობისთვის, სოფელ განთიადიდან ქ. დმანისამდე გარე განათების მოწყობა, სიფელ ვაკის შიდა გზის რეაბილიტაცია ქ. დმანისში ვახტანგ გორგასლის ქუჩისა და სკოლასთან მისასვლელი გზის რეაბილიტაცია, სოფელ მაშავერაში მისასვლელი გზის რეაბილიტაცია, სოფელ ბოსლებში სკვერის მოწყობა და ორი ერთეული სამგზავრო ავტობუსის შესყიდვა. სხვა შემოსავლები საანგარიშო პერიოდში სხვა შემოსავლებისათვის განსაზღვრული იყო 3220,0 ათასი ლარი, ფაქტიურმა შესრულებამ 3255,7ათასი ლარი შეადგინა, რაც გეგმის 101,1%-ია. წინა წლის ანალოგიურ მაჩვენებელთან (2022 წლის ფაქტი -3633,3ათასი ლარი) შედარებით 377,6 ათასი ლარით ნაკლები შემოსავალია მიღებული, რაც ძირითადად შემცირებულია მოსაკრებელი ბუნებრივი რესურსებით სარგებლობიდან 474,0 ათასი ლარის ოდენობით (1850,0-1376,0), ხოლო მიწის საიჯარო ქირის გადასახადიდან შემოსულია 525,4 ათასი ლარი,წინა წლის ანალოგიურ მაჩვენებელთან შედარებით მეტია შემოსული 55,8 ათასი ლარის ოდენობით.

პროცენტების სახით საანგარიშო პერიოდში მიღებულია 368,7 ათასი ლარი, რაც წინა წლის ანალოგიურ მაჩვენებელთან (338,6 ათასი ლარი) შედარებით 30,1 ათასი ლარით მეტია შემოსული.

საქონლისა და მომსახურების რეალიზაციიდან მიღებულია 45,3 ათასი ლარი, რაც გეგმის (45,0ათასი ლარი) 100%-ია. მათ შორის: სანებართვო მოსაკრებლიდან მთლიანობაში მიღებულია 10,0 ათასი ლარი,

სამხედრო სავალდებულო სამსახურის გადავადების მოსაკრებლიდან მიღებულია 1.4 ათასი ლარი, რაც გეგმის (1.0 ათასი ლარი) 140%-ია.

დასახლებული ტერიტორიის დასუფთავებისათვის მოსაკრებლიდან საანგარიშო პერიოდში მიღებულია 13,7 ათასი ლარი, რაც გეგმის (15,0 ათასი ლარი) 91%-ია და წინა წლის ანალოგიურ მაჩვენებელთან (17,7 ათასი ლარი) შედარებით 4,0 ათასი ლარით ნაკლებია.

სანქციებიდან (ჯარიმები და საურავები) მიღებულმა შემოსავლებმა მთლიანობაში 269,3 ათასი ლარი შეადგინა, რაც გეგმის (255,0 ათასი ლარი) 105,6%-ია და 2022 წლის ანალოგიურ მაჩვენებელთან (178,7 ათასი ლარი) შედარებით 90,6 ათასი ლარით მეტია.

ტრანსფერები რომელიც სხვაგან არ არის კლასიფიცირებული შემოსავლებიდან საანგარიშო პერიოდში მიღებულია 671,0 ათასი ლარი, რაც გეგმის (390,0 ათასი ლარი) 172%-ია. მათ შორის: წინა წელს გამოუყენებელი და დაბრუნებული საბიუჯეტო სახსრები - 554,7 ათასი ლარი, შემოსავალი ხელშეკრულების პირობების დარღვევის გამო დაკისრებული პირგასამტეხლოდან - 116,3 ათასი ლარი.

არაფინანსური აქტივების კლებიდან მიმდინარე პერიოდში ჩარიცხულია 126,3 ათასი ლარის შემოსავალი. მათ შორის: ძირითადი აქტივების გაყიდვიდან მიღებულია 22,3 ათასი ლარი და არაწარმოებული აქტივების (მიწა) გაყიდვიდან - 104,0 ათასი ლარი. ინფორმაცია მუნიციპალიტეტის 2023 წლის ბიუჯეტის გადასახდელების შესრულების შესახებ

2023 წლის გადასახდელების შესრულების 83,5%-იანი მაჩვენებელი დაფიქსირდა, (25040,1 : 29988,2) რაც წინა წლის ანალოგიური მაჩვენებლის (79,7%) ტოლია, ხოლო თანხობრივად (2022 წელთან შედარებით) დახარჯულია 167,7 ათასი ლარით მეტი (25040,1-24872,4)

2023 წლის ბიუჯეტის გადასახდელები

გადასახდელების საანგარიშო პერიოდის დაზუსტებულმა გეგმამ შეადგინა 29988,2 ათასი ლარი, ხოლო გაწეულმა საკასო ხარჯმა შეადგინა 25040,1 ათასი ლარი, რაც გეგმიური მაჩვენებლის 83,5%-ია. მათ შორის:

ხარჯების დაზუსტებულმა გეგმამ შეადგინა 15162,1 ათასი ლარი, გაწეულმა საკასო ხარჯმა - 14864,8 ათასი ლარი, რაც გეგმიური მაჩვენებლის 98%-ია და მთლიანი გადასახდელების საკასო შესრულების 59,4%-ია.

არაფინანსური აქტივების ზრდის დაზუსტებულმა გეგმამ შეადგინა 14770,6 ათასი ლარი, გაწეულმა საკასო ხარჯმა - 10119,7 ათასი ლარი შეადგინა, რაც გეგმიური მაჩვენებლის 68,5%-ი და მთლიანი გადასახდელების საკასო შესრულების 40,4 %-ია.

ვალდებულებების კლების დაზუსტებულმა გეგმამ შეადგინა 55,6 ათასი ლარი, გაწეულმა საკასო ხარჯმა - 55,6 ათასი ლარი, რაც გეგმიური მაჩვენებლის 100%-ი და მთლიანი გადასახდელების საკასო შესრულების 0.2%-ია.

მუნიციპალიტეტის ბიუჯეტის ხარჯები ეკონომიკური კლასიფიკაციის მიხედვით

„შრომის ანაზღაურების“ მუხლით საანგარიშო პერიოდში გეგმა განისაზღვრა 3055,2 ათასი ლარის ოდენობით, ხოლო საკასო შესრულებამ შეადგინა 3029,9 ათასი ლარი, რაც გეგმიური მაჩვენებლის 99,2%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 12,1%-ია.

„საქონელი და მომსახურების“ მუხლით საანგარიშო პერიოდში გეგმა განსაზღვრულ იქნა 3682,9 ათასი ლარის ოდენობით. საკასო შესრულებამ შეადგინა 3501,5 ათასი ლარი, რაც გეგმის 95,1%-ს შეადგენს, ხოლო ბიუჯეტიდან გაწეული მთლიანი „ხარჯების“ საკასო შესრულების 14%-ია.

„პროცენტის“ მუხლით საანგარიშო პერიოდში გეგმა განისაზღვრა 25,0 ათასი ლარის ოდენობით. საკასო შესრულებამ კი შეადგინა 20,3 ათასი ლარი, რაც გეგმის 81,2%-ს შეადგენს,

ხოლო ბიუჯეტიდან გაწეული მთლიანი „ხარჯების“ საკასო შესრულების 0.1%-ია. ამ მუხლიდან თანხები მიმართულ იქნა საშინაო ვალდებულებების მომსახურებაზე.

„სუბსიდიების“ მუხლით საანგარიშო პერიოდში გეგმა განისაზღვრა 4532,7 ათასი ლარით, ხოლო საკასო შესრულებამ შეადგინა 4486,2 ათასი ლარი, რაც გეგმის 99%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 17,9%-ს შეადგენს.

„სუბსიდიების“ მუხლიდან ძირითადად დაფინანსებული იქნა ისეთი მნიშვნელოვანი ღონისძიებები, როგორცაა:

სკოლამდელი აღზრდის დაწესებულებების ხელშეწყობა - 1188,4 ათასი ლარი;

□ დასუფთავების ღონისძიებები - 1554,1 ათასი ლარი;

> სპორტული ღონისძიებები - 125,7 ათასი ლარი.

> კულტურული ღონისძიებები-393,7 ათასი ლარი.

„გრანტების“ მუხლით საანგარიშო პერიოდში გეგმა განისაზღვრა 1885,0 ათასი ლარით, ხოლო საკასო შესრულებამ შეადგინა 1885,0 ათასი ლარი, რაც გეგმის 100%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 7,5%-ს შეადგენს.

„გრანტების“ მუხლით ძირითადად დაფინანსებული იქნა მუნიციპალური განვითარების ფონდიდან გამოყოფილ თანხაზე 15%-ის ფარგლებში მუნიციპალიტეტის წილობრივი თანადაფინანსება-1720,0 ათასი ლარი.

„სოციალური უზრუნველყოფის“ მუხლით საანგარიშო პერიოდში გეგმა განისაზღვრა 1233,7 ათასი ლარით, ხოლო საკასო შესრულებამ შეადგინა 1227,4 ათასი ლარი, რაც გეგმის 99,5%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 4,9%-ს შეადგენს.

„სოციალური უზრუნველყოფის“ მუხლიდან ძირითადად დაფინანსებული იქნა ისეთი მნიშვნელოვანი ღონისძიებები, როგორცაა:

□ სამედიცინო და სხვა სოციალური საჭიროებების ღონისძიებები და სხვა სოციალური (დახმარების) ღონისძიებები 566,0 ათასი ლარი;

□ სოციალურად დაუცველი ოჯახების დახმარება - 475,4 ათასი ლარი

„სხვა ხარჯების“ მუხლით საანგარიშო პერიოდში გეგმა განისაზღვრა 747,5 ათასი ლარის ოდენობით, ხოლო საკასო ხარჯი გაწეული იქნა 714,4 ათასი ლარის მოცულობით, რაც გეგმის 95,6%-ს, ხოლო ბიუჯეტიდან გაწეული მთლიანი „ხარჯების“ საკასო შესრულების 2,9%-ია.

„სხვა ხარჯების“ მუხლიდან ძირითადად დაფინანსებულია ისეთი მნიშვნელოვანი ღონისძიებები, როგორცაა:

□ ინფრასტრუქტურის ობიექტების მშენებლობა - რეკონსტრუქციის და სტიქიით დაზიანებული შენობების გამაგრების სამუშაოები - 283,3 ათასი ლარი.

□ სპორტის სხვადასხვა სახეობის მწვრთნელთა ფინანსური მხარდაჭერის და წარმატებული მოსწავლეების წახალისების ღონისძიებები - 8,9 ათასი ლარი.

კლასიფიკაციის მიხედვით მუნიციპალიტეტის 2023 წლის ბიუჯეტის შესრულება:

■ საერთო დანიშნულების სახელმწიფო მომსახურების სფეროში საკასო შესრულებამ შეადგინა 4921,6 ათასი ლარი, რაც გეგმიური მაჩვენებლის (5132,1 ათასი ლარი) 95,9%, ხოლო მთლიანი ხარჯები და არაფინანსური აქტივების ზრდის საკასო შესრულების 19,7%-ს შეადგენს. მათ შორის:

□ აღმასრულებელი და წარმომადგენლობითი ორგანოების საქმიანობის უზრუნველყოფა, ფინანსური და ფისკალური საქმიანობის დაფინანსებამ შეადგინა 4845,7 ათასი ლარი, რაც გეგმის (5038,7 ათასი ლარი) 96,2%-ია;

□ ვალთან დაკავშირებულ ოპერაციებზე გაწეულმა საკასო ხარჯმა შეადგინა 55,6 ათასი ლარი, რაც გეგმის 100%-ია;

□ სხვა არაკლასიფიცირებული საქმიანობა საერთო დანიშნულების სახელმწიფო მომსახურებაში ასიგნებების დაფინანსებამ შეადგინა 75,9 ათასი ლარი, რაც გეგმის (93,4 ათასი ლარი) 81,3%-ია.

■ ეკონომიკური საქმიანობის სფეროს დასაფინანსებლად დაგეგმილ იქნა 5371,5 ათასი ლარი, ხოლო საკასო შესრულებამ შეადგინა 3364,5 ათასი ლარი, ანუ გეგმიური მაჩვენებლის 62,6%, ხოლო სულ ხარჯები და არაფინანსური აქტივების ზრდის საკასო შესრულების – 13,4%.

■ გარემოს დაცვის სფეროს დასაფინანსებლად დაგეგმილ იქნა 1570,0 ათასი ლარი, ხოლო საკასო შესრულებამ შეადგინა 1554,1 ათასი ლარი, ანუ გეგმიური მაჩვენებლის 99%, ხოლო სულ ხარჯები და არაფინანსური აქტივების ზრდის საკასო შესრულების – 6,2%. მათ შორის:

□ ნარჩენების შეგროვება, გადამუშავება და განადგურება 1494,8 ათასი ლარი, რაც გეგმის (1510,0 ათასი ლარი) 99%-ია;

□ კაპიტალური დაბანდებები დასუფთავების სფეროში დაფინანსებულია 59,3 ათასი ლარი, რაც გეგმის (60,0 ათასი ლარი) 98,8 %-ია.

■ საბინაო-კომუნალური მეურნეობის სფეროს დასაფინანსებლად დაგეგმილი იყო 12082,8 ათასი ლარი, საკასო შესრულებამ შეადგინა 9439,8 ათასი ლარი, ანუ გეგმიური მაჩვენებლის 78,1%, ხოლო სულ ხარჯები და არაფინანსური აქტივების ზრდის საკასო შესრულების – 37,7%. მათ შორის:

□ ბინათმშენებლობის დაფინანსებამ შეადგინა 2432,2 ათასი ლარი, რაც გეგმის (3370,6 ათასი ლარი) 72,2%-ს შეადგენს;

□ წყალმომარაგების დაფინანსებამ შეადგინა 3230,4 ათასი ლარი, რაც გეგმის (3649,2 ათასი ლარი) 88,5%-ს შეადგენს;

□ გარე განათების დაფინანსებამ შეადგინა 683,4 ათასი ლარი, რაც გეგმის (719,0 ათასი ლარი) 95%-ს შეადგენს;

□ სხვა არაკლასიფიცირებული საქმიანობა საბინაო-კომუნალურ მეურნეობაში დაფინანსებამ შეადგინა 3093,8 ათასი ლარი, რაც გეგმის (4344,1 ათასი ლარი) 71,2%-ს შეადგენს.

■ ჯანმრთელობის დაცვის სფეროს დასაფინანსებლად გეგმა განისაზღვრა 53,7 ათასი ლარით, საკასო შესრულებამ შეადგინა 50,0 ათასი ლარი, ანუ 93,1%, ხოლო სულ ხარჯები და არაფინანსური აქტივების ზრდის საკასო შესრულების – 0,5%. მათ შორის:

□ საზოგადოებრივი ჯანდაცვის მომსახურების დაფინანსებამ 50,0 ათასი ლარი, ანუ გეგმის (53,7 ათასი ლარი) 93,1%;

■ დასვენების, კულტურის, სპორტის და რელიგიის სფეროს დასაფინანსებლად განსაზღვრული იყო 2037,6 ათასი ლარი, საკასო შესრულებამ შეადგინა 2008,8 ათასი ლარი, ანუ გეგმიური მაჩვენებლის 98,6%, ხოლო სულ ხარჯები და არაფინანსური აქტივების ზრდის საკასო შესრულების 8%. მათ შორის:

□ მომსახურება დასვენებისა და სპორტის სფეროში დაფინანსებამ შეადგინა 456,8 ათასი ლარი, ანუ გეგმის (475,8 ათასი ლარი) 96%;

□ მომსახურება კულტურის სფეროში დაფინანსებამ შეადგინა 1452,0 ათასი ლარი, რაც გეგმის (1461,8 ათასი ლარი) 99,3%-ს შეადგენს;

□ სხვა არაკლასიფიცირებული საქმიანობა დასვენების, კულტურისა და რელიგიის სფეროში ასიგნებების დაფინანსებამ შეადგინა 100,0 ათასი ლარი, რაც გეგმის (100,0 ათასი ლარი) 100%-ს შეადგენს.

■ განათლების სფეროს დასაფინანსებლად გეგმა განსაზღვრული იყო 2044,1 ათასი ლარი, საკასო შესრულებამ კი - 2017,7 ათასი ლარი შეადგინა, ანუ გეგმიური მაჩვენებლის 98,7%, ხოლო სულ ხარჯები და არაფინანსური აქტივების ზრდის საკასო შესრულების 8,1%. მათ შორის:

□ სკოლამდელი აღზრდის დაფინანსებამ შეადგინა 1188,4 ათასი ლარი, რაც გეგმის (1190,0 ათასი ლარი) 99,9%-ს შეადგენს;

□ საგანმანათლებლო ცენტრის დაფინანსებამ შეადგინა 130,3 ათასი ლარი, რაც გეგმის (136,0,0 ათასი ლარი) 95,8%-ს შეადგენს;

□ განათლების სფეროს დამხმარე მომსახურების-საჯარო სკოლების დაფინანსებამ შეადგინა 693,0 ათასი ლარი, რაც გეგმის (710,1 ათასი ლარი) 97,6%-ს შეადგენს;

■ სოციალური დაცვის სფეროს დასაფინანსებლად გეგმა განსაზღვრული იყო 1636,5 ათასი ლარი, საკასო შესრულებამ შეადგინა 1622,0 ათასი ლარი, ანუ გეგმიური მაჩვენებლის 99,1%, ხოლო სულ ხარჯები და არაფინანსური აქტივების ზრდის საკასო შესრულების – 6,5%. მათ შორის:

□ ავადმყოფთა და შეზღუდული შესაძლებლობების მქონე პირთა სოციალური დაცვის დაფინანსებამ შეადგინა 475,4 ათასი ლარი, რაც გეგმის (476,0 ათასი ლარი) 99,9%-ს შეადგენს;

□ სოციალურად დაუცველი მოსახლეობის სამედიცინო სტაციონალური, ამბულატორიული დახმარების მუნიციპალური პროგრამის დაფინანსებამ შეადგინა 566,0 ათასი ლარი, რაც გეგმის (567,7 ათასი ლარი) 99,7%-ს შეადგენს;

□ მზრუნველობა მოკლებულთა უფასო კვებით უზრუნველყოფის პროგრამის დაფინანსებამ შეადგინა 153,0 ათასი ლარი, ანუ გეგმის 153,0 ათასი ლარის 100 %

□ ტრანსპორტით მომსახურების მუნიციპალური პროგრამის დაფინანსებამ შეადგინა 168,4 ათასი ლარი, ანუ გეგმის (179,4 ათასი ლარი) 93,9%;

□ სხვა არაკლასიფიცირებული საქმიანობა სოციალური დაცვის სფეროში ასიგნებების დაფინანსებამ შეადგინა 258,9 ათასი ლარი, რაც გეგმის (259,4 ათასი ლარი) 99,8%-ს შეადგენს.

სარეზერვო ფონდი

საანგარიშო პერიოდში ბიუჯეტით გათვალისწინებული სარეზერვო ფონდიდან, გამოყოფილი 200,0 ათასი ლარიდან გადარიცხულია 190,2 ათასი ლარი. მათ შორის: მოქალაქეთა სამედიცინო მომსახურების ხარჯების ასანაზღაურებლად -36,5 ათასი ლარი, მოქალაქეთა ფინანსური დახმარებისათვის -7,3 ათასი ლარი, სხვადასხვა სახის ღონისძიებების განსახორციელებლად ორგანიზაციების ხელშეწყობა - 23,2 ათასი ლარი, უბედური შემთხვევის შედეგად (ხანძარი, მიწისძვრა, ქარის და სხვა) დაზიანებული საცხოვრებელი სახლების და დამწვარი თივის ზვინების და სხვა ხარჯები -63,0 ათასი ლარი, უკრაინიდან დევნილების ერთჯერადი დახმარებისათვის 4,9 ათასი ლარი და ბალანსზე რიცხული ავტომობილზე გამოწერილი ადმინისტრაციული სამართალდარღვევით გათვალისწინებულ ჯარიმის გადახდა - 0,3 ათასი ლარი, მუნიციპალიტეტში მცხოვრები ფეხბურთელების ფიზიკური მომზადებისთვის 2,9 ათასი ლარი, 2023 წლის აგვისტო-სექტემბრის თვეში შოვში და გურიაში მომხდარი სტიქიის შედეგად დაზიანებული ოჯახების მხარდაჭერის მიზნით 6,0 ათასი ლარი, საჯარო სკოლის 2021-2022 სასწავლო წლის გამოშვების 9 მოსწავლის და 2022-2023 სასწავლო წლის გამოშვების 17 მოსწავლის წახალისებისათვის 10,0 ათასი ლარი, ევროპის ჩემპიონატში მკლავჭიდაში, ასევე ვეტერან ძიუდოსტთა მსოფლიო ჩემპიონატში მონაწილეობის მისაღებად და გამარჯვებული სპორტსმენების დასაჯილდოებლად გაცემულია 36,1 ათასი ლარი წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდიდან მიმართული იქნა -109,9 ათასი ლარი.

2023 წლის წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდისათვის გამოყოფილი იქნა 115,0 ათასი ლარი, საიდანაც ფაქტიურად გაცემულია -109,9 ათასი ლარი.

სესხების მომსახურება და დაფარვა, სესხების მომსახურებისა და დაფარვისათვის საანგარიშო პერიოდში გაწეულმა ხარჯებმა შეადგინა 75,9 ათასი ლარი, რაც დაზუსტებული გეგმიური მაჩვენებლის (40,3 ათასი ლარი) 97%-ია. აქედან, ვალების მომსახურებისათვის (პროცენტების გადახდა) გაწეულმა ხარჯებმა შეადგინა 20,3 ათასი ლარი, ხოლო ვალების დაფარვისათვის - 55,6 ათასი ლარი.

აღნიშნული წარმოადგენს სსიპ მუნიციპალური განვითარების ფონდთან მუნიციპალიტეტში ნავის გადაზიდვისთვის განკუთვნილი მანქანებისთვის 2018 წელს გაფორმებული ხელშეკრულებით ნავისრი ვალდებულების დაფარვას.

მუნიციპალიტეტის 2023 წლის ბიუჯეტიდან დაფინანსებული პრიორიტეტები:

- ინფრასტრუქტურა - 12804,3 ათასი ლარით, რაც გეგმის (17454,3 ათასი ლარი) 73,4%-ია;
- განათლება 2017,7 ათასი ლარით, რაც გეგმის (2044,1 ათასი ლარი) 98,7 %-ია;
- კულტურა, ახალგაზრდობა, სპორტი 2008,8 ათასი ლარი რაც გეგმის (2037,6 ათასი ლარი) 98,6%-ია;

- ჯანმრთელობის დაცვა და სოციალური უზრუნველყოფა - 1733,7 ათასი ლარით, რაც გეგმის (1750,1 ათასი ლარი) 99,1%-ია;
- წარმომადგენლობითი და აღმასრულებელი ორგანოები - 4921,6 ათასი ლარით, რაც გეგმის (5132,1 ათასი ლარი) 95,9%-ია.
- დასუფთავება და გარემოს დაცვა - 1554,1 ათასი ლარით, რაც გეგმის (1570,0 ათასი ლარი) 99%-ია.
- რელიგიური ორგანიზაციის ხელშეწყობა -100,0 ათასი ლარი, რაც გეგმის 100%-ია.

აზრი გამოთქვს: სხდომის თავმჯდომარემ პაატა ყულიაშვილმა განუმარტა საკრებულის წევრებს, რომ 24 აპრილს ჩატარდა საფინანსო-საბიუჯეტო კომისიის სხდომა სადაც ესწრებოდნენ მერიის სხვადასხვა სამსახურის უფროსები, მეერიის თანამშრომლები, მოქალაქეები, საკრებულოს საფინანსო საბიუჯეტო კომისიის წევრები, საკრებულოს თავმჯდომარის მოადგილეები, ფრაქციის თავმჯდომარე და საკრებულოს აპარატის თანამშრომლები სადაც დეტალურად და ამომწურავად იქნა განხილული დმანისის მუნიციპალიტეტის 2023 წლის ბიუჯეტის შესრულების ანგარიში. შეხვედრა გაიმართა კითხვა პასუხის რეჟიმში.

დაადგინეს: დამტკიცებული იქნას წარმოდგენილი განკარგულების პროექტი.

მომხრე: 20

წინაღმდეგი:

3. მომხსენებელი: მალხაზ გვიჩიანი საკრებულოს წევრებს წარუდგინა დადგენილების პროექტი „დმანისის მუნიციპალიტეტის მერიის დებულების დამტკიცების შესახებ“ დმანისის მუნიციპალიტეტის საკრებულოს 2017 წლის 24 ნოემბრის №35 დადგენილებაში ცვლილების შეტანის თაობაზე.

დმანისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი/პროექტის დამახასიათებელი ძირითადი ნიშნები:

წარმოდგენილი პროექტით, ცვლილება შედის „დმანისის მუნიციპალიტეტის მერიის დებულების დამტკიცების შესახებ“ დმანისის მუნიციპალიტეტის საკრებულოს 2017 წლის 24 ნოემბრის №35 დადგენილების პირველი მუხლით დამტკიცებულ დებულებაში (შემდგომში - დებულება), რაც განპირობებულია შემდეგი გარემოებებით:

დებულების მე-6 მუხლის მე-2 პუნქტის მიხედვით მერად შეიძლება აირჩეს საარჩევნო უფლების მქონე საქართველოს მოქალაქე 25 წლის ასაკიდან, რომელსაც **საქართველოში უცხოვრია 5 წელი მაინც.** 2022 წლის 22 დეკემბერს საქართველოს პარლამენტის მიერ განხორციელდა ცვლილება საქართველოს ორგანულ კანონში „საქართველოს საარჩევნო კოდექსი“ და ამ ცვლილების მიხედვით მერად შეიძლება აირჩეს საქართველოს მოქალაქე 25 წლის ასაკიდან, რომელსაც **საქართველოში უცხოვრია სულ ცოტა 6 თვის განმავლობაში.** შესაბამისად აღნიშნული ცვლილებიდან გამომდინარე, ახალი რედაქციით ჩამოყალიბდება დებულების მე-6 მუხლის მე-2 პუნქტი.

დებულების მე-16 მუხლით განსაზღვრულია „მიწის ნაკვეთებზე უფლებათა სისტემური და სპორადული რეგისტრაციის წესისა და საკადასტრო მონაცემების სრულყოფის შესახებ“ საქართველოს კანონით ადმინისტრაციულ ერთეულებში მერის წარმომადგენლების უფლებამოსილებები შესაბამისი ცნობების გაცემის ფარგლებში. ამ კანონში 2021 წლის 17 დეკემბერს შესული ცვლილებებიდან გამომდინარე, დებულების მე-16 მუხლის პირველ პუნქტს ემატება „გ“ ქვეპუნქტი და მე-16 მუხლს 1¹ პუნქტი.

გარდა ზემოაღნიშნულისა, „პერსონალურ მონაცემთა დაცვის შესახებ“ საქართველოს ახალი კანონის 33-ე მუხლის მიხედვით, ყველა საჯარო დაწესებულებას დაევალოს დანიშნოს/განსაზღვროს პერსონალურ მონაცემთა დაცვის ოფიცერი, ან სხვა პირს (პირებს) დააკისროს აღნიშნული მოვალეობა, მომსახურების ხელშეკრულების საფუძველზე. შესაბამისად, ამ კანონით დაკისრებული ვალდებულებებიდან გამომდინარე, დებულებას 29¹ მუხლის შემდეგ ემატება 29² მუხლი, რომლის მიხედვითაც, დმანისის

მუნიციპალიტეტის მერია იღებს ვალდებულებას დანიშნოს ან განსაზღვროს პერსონალურ მონაცემთა დაცვის ოფიცერი, რომელიც უზრუნველყოფს კანონით და დებულებით განსაზღვრული უფლებამოსილებების შესრულებას.

ბ) პროექტის საფინანსო-ეკონომიკური გაანგარიშება:

პერსონალურ მონაცემთა დაცვის ოფიცრის შტატის განსაზღვრამდე, ან სხვა პირთან (პირებთან) ოფიცრის მოვალეობის დაკისრებისათვის, მომსახურების ხელშეკრულების გაფორმებამდე, დადგენილების ამოქმედება გავლენას არ მოახდენს დმანისის მუნიციპალიტეტის ბიუჯეტის ხარჯვით ნაწილზე.

გ) სხვა ნორმატიულ აქტებში იმ ცვლილებებისა და/ან დამატებების შეტანის შესახებ, რასაც გამოიწვევს წარდგენილი პროექტის მიღება (გამოცემა):

დადგენილების ამოქმედება არ იწვევს სხვა ნორმატიულ აქტებში ცვლილებებისა და/ან დამატებების შეტანას.

დ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):

დადგენილების ამოქმედება არ მოახდენს ზეგავლენას ბავშვთა უფლებრივ მდგომარეობაზე.

ე) გენდერული თანასწორობის მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):

დადგენილების ამოქმედება არ მოახდენს ზეგავლენას გენდერული თანასწორობის მდგომარეობაზე.

აზრი გამოთქვას:

დაადგინეს: დამტკიცებული იქნას წარმოდგენილი დადგენილების პროექტი.

მომხრე: 20

წინაღმდეგი:

4. მომხსენებელი : მათე ასლანიშვილმა საკრებულოს წევრებს წარუდგინა განკარგულების პროექტი დმანისის მუნიციპალიტეტის მერისათვის თანხმობის მიცემის შესახებ გრანტის მიღებასთან დაკავშირებით.

დმანისის მუნიციპალიტეტის მერია მონაწილეობას იღებდა გოეთეს ინსტიტუტის ფილიალის საქართველოში და პროექტ „შემოქმედებითი კომპასი საქართველო“-ს მიერ ორგანიზებული ინფრასტრუქტურის ფიზიკური აღნუსხვის საგრანტო კონკურსში, სადაც გაიმარჯვა და გრანტის სახით მიიღო დაფინანსება - 5000 ევროს ოდენობით. მოქმედი ნორმატიული მოწესრიგების თანახმად, მუნიციპალიტეტის აღმასრულებელი ორგანო, გრანტის მიღების მიზნით თანხმობის მიღების თაობაზე მიმართავს შუამდგომლობით საქართველოს მთავრობას. შუამდგომლობას თან უნდა ერთვოდეს მუნიციპალიტეტის საკრებულოს წინასწარი თანხმობა განკარგულების სახით ზემოთ მოცემული თანხის მიღების შესახებ.

აზრი გამოთქვას:

დაადგინეს: დამტკიცებული იქნას წარმოდგენილი განკარგულების პროექტი.

მომხრე: 20

წინაღმდეგი:

5.მომხსენებელი: ნატო სამადაშვილმა საკრებულოს წევრებს გააცნო განკარგულების პროექტი „დმანისის მუნიციპალიტეტის მერის მიერ ქონების (ფართი) უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ“

აღნიშნული განკარგულების პროექტის საფუძველზე მიეცეს თანხმობა დმანისის მუნიციპალიტეტის მერს, გადასცეს უსასყიდლო უზუფრუქტის ფორმით, დმანისის მუნიციპალიტეტის საკუთრებაში არსებული ქ. დმანისში, 9 აპრილის ქუჩა N32-ში მდებარე შენობა-ნაგებობის 361,12 კვ.მ ფართიდან (ს/კ 82.01.46.485) 242,48 კვ.მ ფართი, სსიპ სამხედრო გაწვევისა და რეკრუტირების ეროვნულ სააგენტოს 2 წლის ვადით (2026 წლის პირველ იანვრამდე).

აზრი გამოთქვას:

დაადგინეს: დამტკიცებული იქნას წარმოდგენილი განკარგულების პროექტი.

მომხრე: 20

წინაღმდეგი:

6.მომხსენებელი: მეგი ედიბერიძემ საკრებულოს წევრებს გააცნო განკარგულების პროექტი „დმანისის მუნიციპალიტეტის 2024 წლის სოციალური ქვეპროგრამების დამტკიცების და განხორციელების წესების შესახებ“ დმანისის მუნიციპალიტეტის საკრებულოს 2023 წლის 28 ნოემბრის №გ-109.109233321 განკარგულებაში ცვლილების შეტანის შესახებ

ტრანსპორტით მომსახურების 2024 წლის მუნიციპალური ქვეპროგრამით ვედარ ისარგებლებენ შემდეგი კატეგორიის ბენეფიციარები:

- დმანისის მუნიციპალიტეტის ტერიტორიაზე რეგისტრირებული შეზღუდული შესაძლებლობების მქონე პირები;
- დმანისის მუნიციპალიტეტის ტერიტორიაზე რეგისტრირებული ომისა და თავდაცვის ძალების ვეტერანები;
- დმანისის მუნიციპალიტეტის ტერიტორიაზე რეგისტრირებული სტუდენტები.

ზემოთ აღნიშნული კატეგორია ისარგებლებს შემდეგი განკარგულების მიხედვით: „დმანისი-თბილისის მარშრუტზე ქვეყნის შიდა რეგულარული სამგზავრო გადაყვანის ავტობუსების (M3 კატეგორია) მოძრაობის მარშრუტის დამტკიცების და სამგზავრო გადაყვანის ტარიფის, შეღავათების განსაზღვრის და გადახდის სისტემის დანერგვის წესის დამტკიცების შესახებ“ შესაბამისად განისაზღვრა შეღავათები (უფასოდ მგზავრობა) სამივე კატეგორიის ბენეფიციარებზე.

აზრი გამოთქვას:

დაადგინეს: დამტკიცებული იქნას და მიეცეს თანხმობა მუნიციპალიტეტის მერს, წარმოდგენილი განკარგულების პროექტის თანახმად ფართის უზუფრუქტით გადაცემის თაობაზე.

მომხრე: 20

წინაღმდეგი:

7.მომხსენებელი: ლევან მანთაშაშვილმა საკრებულოს წევრებს გააცნო განკარგულების პროექტი „დმანისის მუნიციპალიტეტში 2024 წელს ადგილობრივი ბიუჯეტიდან დასაფინანსებელი პროექტების ნუსხის მოწონების თაობაზე“დმანისის მუნიციპალიტეტის საკრებულოს 2024 წლის 25 იანვრის №გ-109.10924053 განკარგულებაში ცვლილების შეტანის თაობაზე

2024 წელს ადგილობრივი ბიუჯეტით განსახორციელებელი პროექტების ნუსხაში შესატანია შემდეგი ცვლილება,

პუნქტი 8 გაიზარდა 14 124 ლარით ტენდერის შემდეგ დაზუსტების შემდგომ.

პუნქტი 10 გადატანილია სხვა ხარჯებში 300000 ლარი და წასაშლელია 2024 წელს ადგილობრივი ბიუჯეტით განსახორციელებელი პროექტების ნუსხიდან.

დაემატა პუნქტი 11, 13 და 14.

| | | | |
|----|-------------------------------------------------------------------------------------|-------------------|---------|
| 17 | დმანისის საზოგადოებრივი ჯანდაცვის ცენტრის შენობის რეაბილიტაციის სამუშაო | შენობა ნაგებობები | 108,000 |
| 18 | დმანისის მუნიციპალიტეტის სოფელ ზემო ოროზმანში სკვერის მოწყობის სამუშაო | კეთილმოწყობა | 172,444 |
| 19 | დმანისის მუნიციპალიტეტის სოფელ განთიადის საჭიდაო დარბაზის სარეაბილიტაციო სამუშაოები | შენობა ნაგებობები | 232,703 |

2022-2023 წლის პროექტების დასრულებისთვის პუნქტი 1 „2023 წ რგფ და მთის ფონდის პროექტების თანადაფინანსება“ შემცირდა 73240 ლარით სოფელ კიზილაჯლოს წყალმომარაგების სისტემების დასრულების შემდგომ დარჩენილი ეკონომიიდან და გადატანილი იქნა სხვა ხარჯებში სტიქიის შედეგად საქართველოს მაღალმთიანი რაიონებიდან დმანისის მუნიციპალიტეტის ტერიტორიაზე გადმოსახლებული, სოციალურად დაუცველი ოჯახების საკუთრებაში არსებული საცხოვრებელი სახლების სახურავების რეაბილიტაციაში.

აზრი გამოთქვას:

დაადგინეს: დამტკიცებული იქნას და საკრებულოს თანხმობის საფუძველზე, წარმოდგენილი განკარგულების პროექტის შესაბამისად გადაეცეს სახელმწიფოს უსასყიდლოდ უძრავი ქონება .

მომხრე: 20

წინაღმდეგი:

დღის წესრიგით გათვალისწინებული საკითხების ამოწურვის გამო, სხდომის თავმჯდომარემ სხდომა დახურულად გამოაცხადა.

საკრებულოს თავმჯდომარე

სხდომის მდივანი:



პაატა ყულიაშვილი

ლომა გადრანი